

0 10 20 30 40 50 60 70 80 90 100 110 120 130 140 150 160 170 180

13655.26
586

Inches
Centimeters
1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32

Kodak Color Control Patches

21920
1冊

周益國文忠公年譜 邑後學歐陽棨介卿重刊

欽宗靖康元年丙午



是歲公之外王父王給事靚知平江府皇考秦國公偕皇妣秦國夫人隨侍

七月十五日巳時公生於府治

建炎元年丁未

五月高宗卽位改元

建炎二年戊申

是歲大父秦公倅廬陵皇考奉使湖湘因挈家歸省

建炎三年己酉

周益國文忠公年譜
冊 1
書號 21920

是歲車駕在維揚大父秩滿入覲皇考隨侍薨於揚州

建炎四年庚戌

紹興元年辛亥

紹興二年壬子

紹興三年癸丑

紹興四年甲寅

紹興五年乙卯

紹興六年丙辰

是歲外祖母衛國宋夫人過廬陵皇妣奉大母秦國夫人之命挈公及姊弟隨侍寓於信州乃命公從汴人陳持學

紹興七年丁巳

是歲衛國宋夫人薨皇妣哀毀致疾

紹興八年戊午

正月乙巳皇妣秦國夫人薨

二月壬申權厝於州北茶山時伯父金紫將漕廣東道出上饒挈公及姊弟以歸

紹興九年己未

紹興十年庚申

是歲金紫罷官北歸公隨侍留贛

紹興十一年辛酉

紹興十二年壬戌

紹興十三年癸亥

紹興十四年甲子

紹興十五年乙丑 公年二十

紹興十六年丙寅 公年二十一

紹興十七年丁卯 公年二十二

是歲金紫再守辰州公侍行

紹興十八年戊辰 公年二十三

紹興十九年己巳 公年二十四

是歲金紫丁張夫人憂公隨侍歸贛

紹興二十年庚午 公年二十五

正月合葬大父秦公張夫人於吉州廬陵縣膏澤鄉金鳳山

是秋公與廬陵薦送

紹興二十一年辛未 公年二十六

是歲公擢進士第授左迪功郎徽州司戶參軍司封郎官王

公葆許以女妻公公復歸贛

紹興二十二年壬申 公年二十七

是秋齊述叛公徙居於吉冬權贛州雩都縣尉

紹興二十三年癸酉 公年二十八

是歲公親迎於平江之崑山

紹興二十四年甲戌 公年二十九

十二月改差監行在太平和劑局門壬寅到任寓濠沙坑

紹興二十五年乙亥 公年三十

紹興二十六年丙子 公年三十一

正月庚戌子綸生

六月己亥晦比隣王運屬家火延燒數十家公坐是去官時

外舅王公守廣德公挈家過之因少畱

紹興二十七年丁丑 公年三十二

是歲公舉博學宏詞科差充建康府府學教授循左修職郎

制詞勅左迪功郎新差充建康府學教授周必大國家自紹聖以來設詞學一科蒐取異能之士行之既久所得為多麟

朕中興斯文益振今試於春官者數十輩而爾以粹文獨與斯選拔尤若此陞秩匪褒姑游泮宮以俟甄擢可特授左修職郎差遣如故周麟之行

紹興二十八年戊寅 公年三十三

二月癸巳到任

紹興二十九年己卯 公年三十四

七月壬寅漕檄考試宣城

八月壬子朔抵宣城入試院

九月丙戌還官所

紹興三十年庚辰 公年三十五

二月癸酉除太學錄制詞左修職郎周必大右可特授依前左修職郎太學錄填見闕勅左文林郎

蔣芾等朕恢復學校崇重師儒惟採擇之加詳故除授之不數以爾芾問學淵源甲科之選其談經師席以迪多士以爾必大藻思駿發詞學之英其錄於學事以肅規矩夫科目名也職業實也朕既以名取之必試之以事庶考爾之實焉尙勉之哉可依前件 業謙亨行

四月庚戌供職

六月循左文林郎

八月乙卯子柔弟卒

九月丁丑公召試館職戊戌入和寧門赴學士院試策癸卯

除秘書省正字

制詞左文林郎行太學錄周必大等特授依前左文林郎秘書省正字勅左文林郎行太

學錄周必大等蘭臺圖書之府英俊是儲然預遊其間者必試之而後用朕所以遵祖宗之訓也以爾必大文詞之偉早掇異科爾大昌問學之優有聲庠校茲命策之翰苑酬對可觀宜輟成均之聯往正中秘之籍益思涵養以俟簡求可依

制詞 楊邦弼行

十月己巳輪對後殿

紹興三十一年辛巳 公年三十六

三月己丑被宣赴垂拱殿受勅充公試補試類試考校官

四月庚午改授左宣教郎

十月丁亥兼國史院編修官

紹興三十二年壬午 公年三十七

五月庚子除監察御史

制詞勅左宣教郎秘書省正字兼權國史院編修官周必大朕招選時髦

儲之冊府以須不次之用益亦居久而後察也爾華贍之文燦於給札篤實之論具於奏篇斯固察識之矣擢居憲府助朕耳目孰曰不宜汝其雍容臺評茂著賢業其日新於譽處式務稱於所蒙可特授依前左宣教郎守監察御史 唐文

若行

六月孝宗即位

七月己酉皇帝親饗太廟攝光祿丞行事壬戌覃恩轉左奉

議郎

制詞左宣教郎守監察御史周必大可特授左奉議郎依前守監察御史勅左宣教郎守殿中侍御史張震

等朕以初政之臨祇奉慈訓爰推慶澤溥及萬方凡爾有官咸進厥秩矧居臺省親被寵光往其欽承以對休命可依前

件劉珙行

八月戊寅皇帝詣德壽宮奉太上皇帝太上皇后尊號冊

寶奉勅舉太上皇后尊號寶行事丁亥除起居郎

制詞勅左奉議郎守

監察御史周必大典謨不作惟勛華授受之心與夫一時賡歌出治之道世果得而傳耶國家繼繼承承赫然若前日事固足以上追千載而無慚予惟夙夜祇惕以無忘元首股肱之戒實自茲始爾高詞懿學拔自名場茲副簡求冠於螭陛

言動之紀汝得以親承論思之職汝得以參與稽古在昔二美斯存尚勉猷為以光述作可特授依前左奉議郎試起居

郎唐文若行

九月丁未兼編類聖政所詳定官丁巳兼權中書舍人又時

暫兼權給事中

隆興元年癸未 公年三十八

三月甲辰同金給事安節繳龍大淵會觀除知閤指揮戊午

入奏以遷祔乞祠主管台州崇道觀

五月至宣都省尚氏姊

六月壬午至吉寓居永和鎮本覺寺

隆興二年甲申 公年三十九

履金園文忠公集 卷首
乾道元年乙酉 公年四十八

六月磨勘轉左承議郎

十一月再任台州崇道觀

乾道二年丙戌 公年四十一

三月尚氏姊卒

十月公如上饒遷奉皇妣秦國夫人之柩歸廬陵

十二月丁酉襄奉於膏澤鄉長岡之原別求輔穴葬于柔弟

公各爲之誌

乾道三年丁亥 公年四十二

三月壬寅攜家泛舟入浙省外舅疾乙丑達宜興

八月丙申磨勘轉左朝奉郎戊午發宜興

十二月丙申至吉

乾道四年戊子 公年四十三

四月除權發遣南劍州

乾道五年己丑 公年四十四

乾道六年庚寅 公年四十五

是歲南劍闕到當奏事

四月丁亥舟發永和戊戌至豐城己亥得省劄改除閩憲

五月己亥抵崑山

六月丁丑祗受告命

制詞勅左朝奉郎權發遣南劍州軍州
主管學事兼管內勸農事周必大朕分

遣使輶數求民瘼謂與其試才於疏遠埋微則孰若借重於
踐揚望實之人茲邇原隰之行乃得絲綸之舊將令遠俗識
我近臣爾文挾春華學推武庫蜚聲場屋兩枝仙桂之相高
寓直禁林三峽詞源之爭驚自厭承明之直久嗟大史之
茲俾按於祥刑姑少觀於儒效其謹六條之察俾無庶獄之
冤佇訖外庸嗣膺殊渥可特授依前左朝奉郎權發遣福建
路提點刑獄公事兼本路勸農提舉
河渠公事填見闕仍借緋 王稔行 是日入北關門

七月壬辰入和宣門對於後殿丙申除秘書少監兼直學士

院制詞勅左朝奉郎周必大士之致遠器識為先古有格言
朕常三復故雖以科目取士而不專以文藝用也爾以儒
術第進士奮詞業應為時用常顯於朝矣比觀入對益知涵
養茲釋憲臺之寄俾從道山之游峻直鑿坡職清地遂惟少
令參太史之事庶資直諒而北門當視草之任正繫才華若
夫是古而非今矜名以眩實如俗儒所為者朕實鄙之宜知
所趨以對休命可特授依前左朝奉郎 是日又受磨勘轉左
試秘書少監兼權直學士院 鄭聞行

朝散郎告

九月戊子兼國史院編修官兼實錄院檢討官

十一月庚寅車駕朝獻景靈宮太廟壬午郊祀大禮皆充讀
冊官行事

乾道七年辛卯 公年四十六

正月丙子朔大慶殿發太上皇帝壽聖皇后加上尊號冊寶
攝禮侍奏中嚴外辨又差克舉寶行事

三月丁酉上御正殿授皇太子冊寶捧寶行事

五月乙亥朔兼權兵部侍郎

七月壬辰除權禮部侍郎丁酉有旨仍兼權直學士院陞同
修國史實錄院同修撰制詞勅朕遠稽載郁之文監於二代
孰副維寅之命僉曰伯夷是咨能賢

俾貳掌禮左朝散郎試秘書少監兼權直學士院兼國史院編修官實錄院檢討官兼權兵部侍郎周必大尚古作者為時聞人德性守於宮庭常特立獨行而不顧文聲諸於韶護有一倡三嘆之遺音朕夙聞其擣藻之工嘗試以出綸之任乃常羊而難進雖聞遠以益光逮茲再見之期年安有用賢而累日亟躋禁列以贊春卿夫問揖遜之儀者何足以治神人聽鏗鏘而已者何足以被動植其順中和之致來資制作之成益尊見聞嗣有選任可特授依前左朝散郎權尚書禮部侍郎兼權直學士院兼同修國史實錄院同修撰 范成 大行

九月己卯兼侍講制詞勅朕當萬幾之暇玩好都捐探六藝之歸聖賢是對光復金華之故事博延虎觀之諸儒左朝散郎權尚書禮部侍郎兼權直學士院兼同修國史實錄院同修撰賜紫金魚袋周必大富瞻詞源酌焉不竭淵澄學海測之益深曩以才華而收宏博之科今以器識而處直清之任茂膺茲選孰曰不宜夫會有本源豈在於斷句離章之末約歸簡易庶明乎至德要道之端罄爾多聞副予遜志可特授依前左朝散郎權尚書禮部侍郎兼直學士院兼同修國史實錄院同修撰兼侍講如故 林機 行

乾道八年壬辰 公年四十七

正月庚辰時暫兼權中書舍人

二月癸丑張說王之奇除簽樞並上章辭免新命公入奏未

敢撰不允詔草乙卯有旨與在外宮觀日下出國門

六月己未至吉庚申挈家入望雲門新居

乾道九年癸巳 公年四十八

正月除知建寧府

制詞勅左朝散郎賜金紫魚袋周必大言語侍從之臣朕所望以朝夕論思日月獻

納者也間者均佚於外顧瞻在列念之不_以况嘗典朕三禮分直北門以有顯庸者乎式圖爾居莫如南服爾宏才_與學獨步一時大冊雄文高推兩禁簪筆入侍_以無不為乃眷賢勞久安祠觀建寧吾潛藩其俗健武而尚氣可以義服不可_以力勝顧豈輕畀哉昔王仲舒為蘇州刺史唐穆宗謂其文可思最宜為誥朕於汝幾是矣善撫吾民嗣有異寵可特授

依前左朝散郎知建寧軍府事提舉學事兼管內勸農使替任文薦到任成資闕賜如故王淮行公再請祠不允

八月戊辰挈家離吉舟次豐城復以疾告

九月丁巳提舉江州太平興國宮

十月丁亥公還吉

淳熙元年甲午 公年四十九

正月磨勘轉朝請郎

四月戊寅除右文殿修撰

制詞勅朝請郎提舉江州太平興國宮賜紫金魚袋周必大朕臨朝思治稽古右文惟時著撰之華晉與嚴凝之直儻非名勝不副選掄爾學探道原才標國器論事据昔人之正能言推當世之工早參兩禁之遊雅擅三長之密討論潤色豈徒追鄭國之賢能獻納論思固已備漢臣之風采粵從補外久遂養

恬卽書殿以聯榮俾儒林之增重宜承眷渥以俟甄陞可特授依前朝請郎充右文殿修撰差遣賜如故王淮行

十二月召赴行在

淳熙二年乙未 公年五十

正月丙午公離吉

二月甲子次餘干縣省外姑

三月庚子入國門壬寅對於隱岫癸卯除敷文閣待制侍講

制詞勅簪筆禁林執經帝幕有議論從容之益無簿書倥傯之勞自非名儒不在茲選朝請郎充右文殿修撰賜紫金魚袋周必大挺剛方之操守端靜之規早脫穎於羣英卽遍儀於華貫起嗣真祠之逸來膺宣室之咨朕方稽二帝三王之心以圖康乂爾惟富六藝百家之學宜共講明爰錫贊書俾躋重席茲益親於晝接其備告於辰猷可特授依前朝請郎充敷文閣待制侍講賜如故湯邦彥行

六月壬戌兼權兵部侍郎

八月丁卯兼直學士院

閏九月癸丑除兵部侍郎

制詞勅國家之設武部職固簡於周官論思之屬從臣任特降於漢

制惟兼需於猷告是每嘆於才難朝請郎充敷文閣待制侍講兼權兵部侍郎兼直學士院賜紫金魚袋周必大事幾先見其微議論不負所學粵從間館召寘西清資爾文以黼黻予言藉爾識以訂謨古義間者五兵之虛位嘗令三組以交垂迨此暇時具尺籍伍符而不調乃能極意於夕修晝訪而有明即不當積日以爲功亦何待爲真於滿歲其祇新渥以究遠謨教民而可以即戎固無忘於率典敬王則不陳非道其益務於篤心可特授依前朝請郎試尚書兵部侍郎兼直學士院賜如故
丁巳兼侍講制詞勅朕惟總攬萬幾之餘探程大昌行
廣記而備言然褒貶成文莫非懲惡而勸善疇咨鴻博入奉燕間朝請郎試尚書兵部侍郎兼直學士院賜紫金魚袋周必大名擅儒宗學臻聖域自編儀於禁路常備竭於嘉猷既侍金華之講以濬其淵源又參玉堂之直以摠其藻麗肆臨

真於武部爰申命於邇英俾加紬繹之勤以助緝熙之益載念仁皇可傳之法深明仲尼不刊之書丁度開其端宋綬繼其後皆嘗於從容之際而見乎答問之間朕仰遵列祖之規模方資折衷爾其攷三傳之同異以廣發揮益思古訓之稽庶獲多聞之效可特授依前朝請郎試尚書兵部侍郎兼侍講兼直學士院賜如故
蕭燧行

十月丙申兼太子詹事

十一月戊申朔大慶殿發太上皇帝壽聖皇后加上尊號冊

寶權禮侍押寶案

十二月辛巳磨勘轉朝奉大夫

制詞勅周人序羣吏之勞以八柄而馭貴虞氏雖九官之

列猶三考而陟明庸昭考核之公不以崇卑而間朝請郎試尚書兵部侍郎兼侍講兼直學士院兼太子詹事賜紫金魚袋周必大忠多裨益朕所深知祿位每加身愈恭而退遜閱閱所積吏以時而齊颺肆循品秩之常爰行褒進之律是云信賞豈用賢而日月爲功顧猶歷階示惟君之名器不假儻更論思而有補會分猷念以相從其究爾庸以若茲訓可特

授朝奉大夫依前試尚書兵部侍郎兼侍講兼直學士院兼太子詹事賜如故 程大昌行

淳熙三年丙申 公年五十一

正月丙辰借兵部尚書永宣侯押伴金國賀正且人使御筵於赤岸

三月辛未德壽慶典封管城縣開國男食邑三百戶制詞勅朕惟歲

麻相推有運無積慈極在上常壽且康八千為春平格之休滋至五十而慕燕室之日方長若時邇聯宜同茲慶朝奉大夫試尚書兵部侍郎兼侍講兼直學士院兼太子詹事賜紫金魚袋周必大靜淵以敏直亮而文為言語侍從之臣豐於裨益凡君臣父子之懿多所發揮比從簪筆之班誕揚奉冊之意覽而心善知深中於情宜古謂色難喜獨臻於順適以比周行之眾當膺大賚之施其啟封列爵之初仍錫壤井腴之富益茂輸於忠蓋用上答於褒揚可特授依前朝奉大夫試尚書兵部侍郎兼侍講兼直學士院兼太子詹事特封管城縣開國男食邑三百戶賜如故 程大昌行 太上

日曆成

四月丙戌轉朝散大夫制詞勅紹承天統思協帝華巍乎其有成功具存三紀之政寶之以為大

訓宜垂四繫之文繫予法從之臣嘗居太史之職奏篇來上第賞有差朝奉大夫試尚書兵部侍郎兼侍講兼直學士院兼太子詹事管城縣開國男食邑三百戶賜紫金魚袋周必大學富而聞多氣和而守正徧儀清近蔚有聲光書命之行當時未有及者禮樂之任疑義皆取決焉茲寓直於禁林復升華於講席大典一出於其手嘉謀屢沃於朕心顧千卷之信書藉諸儒之緒業夷攷所居之官重諒知載筆之功多肆答賢勞進升文秩其對揚於休命當嗣有於褒遷可特授朝散大夫依前試尚書兵部侍郎兼侍講兼直學士院兼太子詹事封賜如故 劉孝彞行

九月甲辰兼侍讀制詞勅朕延鴻博之英侍清閒之燕以六經載道既詳究於指歸顧列聖貽謀其可

忘於矜式宜就升於位次俾進讀於朕前覲大起於治功豈直為於觀美朝散大夫試尚書兵部侍郎兼侍講兼直學士院兼太子詹事管城縣開國男食邑三百戶賜紫金魚袋周必大早以高明之學徧揚華近之塗正直不同多所論思之

淳熙三年丙申 公年五十一

十一

益文章有體形於播告之修自參簪筆之聯屢在橫經之列
訪問多至中夕顧待恭非一朝時方率由於舊章必求明習
於故事係眾所望非卿而誰選者儒以質史疑朕豈愧開元
之主讀寶訓而先政體爾當如康定之臣可特授依前朝散
大夫試尚書兵部侍郎兼直學士院兼太
子詹事兼侍讀封賜如故 劉孝遵行

十月丙子文德殿發中宮冊寶進解嚴牙牌

十一月壬子上自太廟登玉輅過青城郊祀大禮克執綏官

辛酉赴璿璣觀奏告奉安北斗神像幹辨本宮霍汝弼傳旨

賜香茶

十二月丙子車駕恭謝太乙宮次詣璿璣觀簪花御圍對御

酒三行宣勸兩盞丁酉進封開國子加食邑二百戶

制詞勅
祀時乃周道若陞侍於左執此良綏則屬文學之臣豈獨以
密近為榮實蓄所聞以待有問朝散大夫試尚書兵部侍郎

兼侍讀兼直學士院兼太子詹事官城縣開國男食邑三百
戶賜紫金魚袋周必大詳雅而釋回齊莊而去偽正立之容
乃有可觀自進發廟門至於壇宮鸞鳴和應匪匪翼翼所以
安予乘而肅民瞻也其嘉汝有助哉今熙事既成所不愛於
汝者予爵之進也采邑之加也如使軍度戎物常以整備聞
則汝不負於新寵者在是可特授依前朝散大夫試尚書兵
部侍郎兼侍讀兼直學士院兼太子詹事進封官 乙未除吏
城縣開國子加食邑二百戶賜如故 陳騏行

部侍郎 制詞國昌在於得士政又關於官人不謹鑿銓則公
才而貳此朝散大夫試尚書兵部侍郎兼直學士院兼太子
詹事兼侍讀官城縣開國子食邑五百戶賜紫金魚袋周必
大性極謹密體蹈忠醇學足以裕詢咨文足以華乎渙立朝
所以見節而汝節之弗渝臨事然後見能而汝能之甚茂眷
久參於圻父獲五戎咸整之稱德宜亞於冢卿底六敘備修
之績副予則哲尚爾克勤可特授依前朝散大夫試尚書吏
部侍郎兼直學士院兼太子詹
事兼侍讀封賜如故 陳騏行

淳熙四年丁酉 公年五十二

祐陵實錄成

五月乙丑轉朝請大夫

制詞勅朕祗若皇猷茂揚祖烈惟祐陵在御蓋踰兩紀之年而實錄之書

當傳萬世之信中更放失雖就編摹念猶闕於舊聞詔申加於載筆奏篇來上褒律是頒朝散大夫試尚書吏部侍郎兼直學士院兼太子詹事兼侍讀管城縣開國子食邑五百戶賜紫金魚袋周必大學造淵源文知體要掌內外之制居多潤色之功歷講讀之官備整切劑之益茲勒成於大典常允賴於良才多所發明為之嘉嘆用序遷於華秩以顯答於舊勞其體朕恩益殫儒效可特授朝請大夫依前試尚書吏部侍郎兼直學士院兼太子詹事兼侍讀封賜如故 劉孝韙

行 丁卯除翰林學士

制詞勅朕考唐室之制重翰苑之臣謂文誥悉由中書或有稽時之弊以供奉

改稱學士實專密命之司逮我本朝用為故事恩禮加異縉紳所榮既非他才之可居宜求已試而後用朝請大夫試尚書吏部侍郎兼直學士院兼太子詹事兼侍讀管城縣開國子食邑五百戶賜紫金魚袋周必大心醇而履正學廣而聞多早決異科徧儀禁路雖平居周密不言温木之名而議事雍容時號粲花之論洵寓鑿坡之直屢當縉典之行掩盛事

於前聞布大喜於天下凡號令一出其手猶卜筮罔不是乎副予遴簡之懷庸正久虛之席豈特資於潤色蓋欲備於疇咨裁女義於中是為內相之職舉至治之要毋忘夜對之時尚追配於古人以永有於休譽可特授依前朝請大夫充翰林學士知制誥兼太子詹事兼侍讀封賜如故 劉孝韙行

六月辛巳忠翊即學士院待詔錢滋宣召入院

七月甲子兼修國史

九月戊午同宰執侍從宣赴芙蓉閣觀擊毬次內宴選德殿

有和御製詩

十一月庚申磨勘轉朝議大夫

制詞勅朕待非常之才不次而用計羣吏之治應格乃遷

故雖甘泉之舊臣不廢審官之常法翰林學士朝請大夫知制誥兼太子詹事兼侍讀兼修國史管城縣開國子食邑五百戶賜紫金魚袋周必大早由望實亟踐清華不名一長實兼數器以文章則擅常揚書詔之美以顧問則備崔高古今

之知典禮直哉惟清作史質而不俚倚切劇於經席賴贊護
於儲闈學廣聞多敷歷益著職親地禁禮遇方隆顧惟助朕
之居多奚待計功而後賞用遷華秩尙爾因歲月之成亦使
庶僚知朕重名器之意可特授朝議大夫依前充翰林學士
知制誥兼太子詹事兼侍讀兼
修國史封賜如故 劉孝趨行

淳熙五年戊戌 公年五十三

正月己未乞補外降詔不允

三月甲寅被宣充御試舉人詳定官

五月丁酉對於隱岫得旨撰選德殿記

閏六月丙午進呈記文

九月乙丑中使李裕文傳旨令書丙寅所進書殿記壬申車
駕幸秘書省賜宴右文殿

十月戊申轉中奉大夫

制詞勅望蓬萊隔弱水嚴列聖之寶
儲約史記修春秋奮宿儒之鴻筆肆

予臨幸宜有恩榮翰林學士朝議大夫知制誥兼太子詹事
兼侍讀兼修國史管城縣開國子食邑五百戶賜紫金魚袋
周必大學廣聞多量宏德粹才兼數器徧儀侍近之聯史有
三長深明筆削之旨逮茲清蹕之泄備觀汗青之勞爰錫贊
書序遷崇秩萬世不刊之典允賴鋪張生平未見之書靡勞
紬繹欽承茂沃益告嘉猷可特授中奉大夫依前充翰林學
士知制誥兼太子詹事兼侍讀
兼修國史封賜如故 鄭丙行 壬子會慶節攝殿中監以盤

蓋授上公

十一月壬戌乞外祠降詔不允不得再有陳請甲申內直申
時三刻宣至選德殿別令中使引至新立所作記石之下傳
旨云記文詞采贍蔚今初立石召卿觀覽宣坐賜酒賜茶賜
御書白居易七德舞七德歌一軸丁亥進謝御書古風一首

十二月癸巳除禮部尚書兼翰林學士制詞勅朕稽德於乾

禮求治於履象惟上下之辨以定民實待人而後行故設官

而是掌莫重文昌之位用先清廟之才翰林學士中奉大夫

知制誥兼太子詹事兼侍讀兼修國史管城縣開國子食邑

五百戶賜紫金魚袋周必大識達顯微學窮因造商瑚夏璉

可方其質之温虞韞周章宜比其文之麗與聞封拜之久宜

居出納之尊予欲正國以權衡則汝承予欲納民於防範則

汝助毋鄙殺丞以為未毋輕繇最以為迂秩宗本直清既已

歸於姜伯為命工潤色豈容捨於國僑可特授依前中奉大

夫試禮部尚書兼翰林學士兼太子詹事

兼侍讀兼修國史封賜如故

陳騏行

樞押伴金國賀正旦人使御筵於都亭驛

淳熙六年己亥 公年五十四

正月辛酉上辛祈穀初獻官

二月丙午得旨撰文鑑序

四月辛卯進呈文鑑序日厯成書辛丑轉中大夫制詞勅朕

累年於茲申命著廷直書無隱涉筆兼資於眾俊汗青至溢

於千篇凡與纂修宜均恩渥中奉大夫試禮部尚書兼翰林

學士兼太子詹事兼侍讀兼修國史管城縣開國子食邑五

百戶賜紫金魚袋周必大學該百氏才擅三長頃為中秘之

游實董承明之職大則策小則簡迄用有成藏之山傳之人

可垂不朽雖已遷於舊次亦備錄於前勞賞以視功格當進

秩爰賜贊書之寵用增從橐之華可特授中大夫依前試禮

部尚書兼翰林學士兼太子詹事兼侍讀兼修國史封賜如

故李

五月己未乞外祠降詔不允丁卯夏至祀皇地祇初獻官東

宮講禮記徹章庚辰轉大中大夫制詞朕妙簡宮僚分講經

闡百執之勤宜被醴恩莫先端尹中大夫試禮部尚書兼翰

林學士兼太子詹事兼侍讀兼修國史管城縣開國子食邑

五百戶賜紫金魚袋周必大賦性敦敏造道深醇敬以仁義

與言既罄論思之益事無小大皆統久兼詹省之官嘉元良

學問之寢成實總正表儀之素熟屬訓解之終帙因遷陟以
疇庸爾其祇我寵光率汝僚屬同勉漸摩之力益思輔導之
方可特授大中大夫依前試禮部尚書兼翰林學士
兼太子詹事兼侍讀兼修國史封賜如故 李木行

九月庚午上自太廟登玉輅入麗正門明堂大禮克執綬官
癸未請對乞外祠

十月乙酉朔上批依已降詔不允不得再有陳請戊子從駕

過太乙宮璿璣觀對御五盞乙未進封開國伯加食邑三百

戶制詞勅朕蒐太室之儀舉明禋之典將事之夕尚煙雲之
蔽虧降福自天俄月星而明澗迺眷侍臣之列助予茲祀

之修宜均餽惠之施載錫光華之寵大中大夫試禮部尚書
兼翰林學士兼太子詹事兼侍讀兼修國史管城縣開國子
食邑五百戶周必大道全德粹才周器宏夙夜在公咸仰儀
刑之懿謀猶告后備殫啟沃之忠予方翼翼而小心汝皆濟
濟而敬事函商吐角以達和豫炳蕭燎骨而升苾芬神游宴
娛景貺昭答清明邕矣慶熙事之備成福履綏之豈朕躬之

專鄉再稽彝典並渙恩榮進陟執圭申陪食賦昭事上帝朕
永懷寅畏之誠精白一心爾尚鑒交修之效可特授依前大
中大夫試禮部尚書兼翰林學士兼太子詹事兼侍讀兼
修國史進封管城縣開國伯加食邑三百戶 鄭丙行 王

子金國賀會慶節人使朝辭被旨入驛押宴

十一月丙辰除吏部尚書兼翰林學士承旨制詞勅天官綜
叙羣才翰苑對

揚密旨冠侍臣之首選極儒生之至榮非望高於一時曷身
兼於二任大中大夫試禮部尚書兼翰林學士兼侍讀兼太
子詹事兼修國史管城縣開國伯食邑八百戶周必大德全
至粹道造大原早躋殊科事朕初載發言抗論嚴徐皆義禮
之文摛藻挾庭常揚得制誥之體總領數職勤勞百為勸講
延英直筆東觀春官典禮履聲直上於星辰東宮為僚國本
自成於羽翼比懇款以求佚為眷懷而少畱宜司文部之崇
仍陟金鑾之長豈惟人才品藻若冰鑒之清明抑使號令文
章還古風而粹正往祇茂渥益勵遠猷可特授依前大中
大夫試吏部尚書兼翰林學士承旨兼侍讀兼太子詹事兼修
國史封如故 鄭丙行 丁巳丙批周必大已除吏部尚書兼翰林學士

承旨天官事繁今後非特旨撰述其餘並免再入奏免兼承旨降詔不允

淳熙七年庚子 公年五十五

正月己未金國賀正旦人使朝辭被旨入驛押宴

四月己酉請對乞外祠庚戌拜不允詔入第二劄辛亥上批

依已降詔不允不得再請

五月乙卯講筵讀三朝實訓終篇賜金匣端硯鞍馬丁巳賜

御筵於秘書省道山堂己未進謝表并詩戊辰除參知政事

御藥吳回宣押至都堂己巳門司謝安道宣押赴內殿綴新

班賜茶戊寅受經筵徹章轉通議大夫告制詞勅朕若稽祖訓覽三朝治要之

書進讀經緯資一代儒臣之彥久矣閱歲茲焉終篇肆疇陪侍之勤庸示褒陞之寵大中大夫試吏部尚書兼翰林學士承旨兼侍讀兼太子詹事兼修國史管城縣開國伯食邑八百戶周必大見聞博洽操履端方堯舜之道陳王前備形獻替文武之政布方策尤藉指明矧朕開虎門訪問之初而爾司螭陛記注之任始終入奉禋益居多屬並敘於賢勞宜莫先於舊德爰推賞典用陟文階雖禁從崇班顧何論於祿秩然朝廷故事姑往服於恩榮可特授通議大夫依前試吏部尚書兼翰林學士承旨兼侍讀兼太子詹事兼修國史封如故 施師點行 又受參知政事告進

封滎陽郡侯加食邑四百戶制詞勅尚書喉舌之司命令由之出納大臣股肱之任紀綱賴

以維持宜得時髦俾參國柄通議大夫試吏部尚書兼翰林學士承旨兼侍讀兼太子詹事兼修國史管城縣開國伯食邑八百戶周必大性端而道直才周而識宏文追作者之風學通時務之要黃鐘諧眾律備涵大極之和砥柱屹中流坐閱百川之注朕自初載擢於近塗謀猷悉罄於忠嘉操履克全於堅正承明三人精白一心黃麻似六經之醇久掌絲綸之命天官枋羣才之會獨專外鑑之明經帷日效於論思宮尹首資於調護總領眾職勤勞數年枚數廷臣無出其右博

稽人望素已允乎延登兩社之崇協贊萬幾之化爾其開衆
正之路通羣下之情調娛盡納於太和豫備迄成於整暇噫
名盛而人斯責望益宜砥節以守公本強則朝有精神允賴
折衝而歷欽予時訓同底不平可特授依前通議大夫參
知政事進封榮陽郡開國侯加食邑
四百戶食實封一百戶 鄭丙行

六月丙戌遷居政府戊子入謝德壽宮太上皇帝面賜御書
千字文一軸

七月壬戌同提舉詳定一司勅令甲子中使賜生日牲餼米
麵羊酒己卯禱雨天慶觀聖祖殿

八月癸巳以旱災乞行黜責甲午宣押者再御筆不允己亥
雨賜酒果

九月丙辰謝雨聖祖殿辛酉季秋祀上帝初獻官

十月丁未會慶節入驛押伴金國人使宴

十二月丙戌四朝史志成宰執赴史院觀書主管諸司傳旨
賜酒賜香藥丙午未後隱岫奏事曲宴

淳熙八年辛丑 公年五十六

正月庚午轉通奉大夫加食邑五百戶制詞勅祖功宗德昭奕世之規模帝典皇

墳新一時之述作肆覽成編之奏聿嚴邃閣之儲繫我洪儒
宜旌舊績通議大夫參知政事同提舉詳定一司勅令榮陽
郡開國侯食邑一千二百戶食實封一百戶周必大學根於
六藝文繼於兩京以淵乎似道之資抗卓爾不羣之志徧儀
橐從嘉謀嘉猷之備聞亟踐政塗立政立事之無闕克究經
綸之蘊蔚為廊廟之華朕述神廟之不彛迄獻陵之盛際敷
求雋父哀次章程仰觀俯察之具陳大綱小紀之咸載凡詔
厥後畢志於篇聖繼聖明繼明既全灑噩之體筆則筆削則
削允資潤色之功茲第賞於勞能頃實多於論輯庸超公秩
併衍戶畚萃厥寵章光其汗簡憶建八書而廣十志有嘉傳

信之功熙庶績而釐百工尙賴同寅之助往祗明訓益懋遠
圖可特授通奉大夫依前參知政事同提舉詳定一司勅令
加食邑五百戶食實封
二百戶 木待問行

四月甲戌宣押赴講筵聽讀正說終篇御藥院吏持賜目賜
金帶象簡己卯賜御筵道山堂

五月戊子同宰執以霖雨乞用慶厯故事一相兩參皆乞降
官以塞災異降詔不允

十月乙丑會慶節入驛押伴金國人使宴

十一月庚辰冬至祀上帝初獻官

淳熙九年壬寅 公年五十七

五月乙未畱身乞罷政即往仙林寺門司揚皓宣押至堂復

過寺中晚受不允詔丙申門司甘曷宣押赴後殿再上表退
至省中中使茶湯訖復上馬過仙林有旨不放出行李不得
先出通進司不得接文字晚再受不允詔丁酉門司李肅宣
押赴朝復宣押至堂

九月庚午除知樞密院事門司李肅宣押赴院泊事丁亥受
告仍進封滎陽郡公加食邑四百戶

制詞勅朕由祖宗之舊
章分文武之二柄雖廟

堂無兵甲之問每思遠以憂深而夙夜惟宥密之基宜責專
而任重疇咨近弼進長洪樞通奉大夫參知政事同提舉詳
定一司勅令滎陽郡開國侯食邑一千七百戶食實封三百
戶周必大學造精微氣全剛大自登名於賢級遂接武於清
班問古今則富於崔高掌制誥則求之元白極禮樂文章之
選罄論思獻納之忠獨步鑿坡久陪經幄言天下事足以任
股肱之寄從吾子游足以成羽翼之功爰憚師虞陟參機政
講求時病屢試囊中之方通達事情不拘紙上之語載嘉丕

績無愧昔人厚重如勃而文有餘明斷如瑜而才則過是用
畀以本兵之柄俾收蓋世之勳肆于之垂拱仰成賴爾之謀
猷入告噫制挺撻秦楚特兵家一勝之常廣厦論唐虞有廟
算萬全之策往祗明訓同底丕平可特授依前通奉大夫知
樞密院事進封榮陽郡開國公加食邑
四百戶食實封一百戶 宇文价行 辛巳明堂大禮充儀
仗使

十月己酉車駕詣太一宮璿璣觀簪花對御五盞兩勸己未
會慶節入驛押伴金國人使宴

十一月甲戌正謝加食邑五百戶 制詞勅朕祗率舊章薦修
大享合祛天地備殫寅畏

之誠並侑祖宗式昭功德之報克贊鉅典實賴元樞逮茲旋
事之初宜錫均釐之慶通奉大夫知樞密院事榮陽郡開國
公食邑二千一百戶食實封四百戶周必大才高識遠德厚
器宏外無浮實之名內有顧言之行久參機政嘉旦夕承彌
之助晉陟本兵基夙夜宥密之命屬明禋之載講陪使列以
先期六服羣辟咸視於羽儀千乘萬騎兼資於督護侍冕旒

而展采踐邊豆以薦馨禮三獻而盥蠶通樂六變而風馬降
承孚神賦備著賢勞肆增衍於井封仍陪教於圭食以昭眷
渥以侈邦彝噫國之大事在祀戎已顯肅雍之助治之二柄
惟文武更資道德之威益殫厥心並受其福可特授依前通
奉大夫知樞密院事加食邑五百戶
食實封二百戶如故 宇文价行

十二月戊午赴喜雪御筵於尙書省

淳熙十年癸卯 公年五十八

二月壬子未時再奏事隱岫賜酒五行

三月癸未車駕幸玉津園宣赴江亭賜酒三行

七月乙亥禱雨社稷壇是日以旱災乞罷黜宣押降詔不允

者再又辭免生日牲餼丙子御批還政引災已難狗請續齡

錫慶何必預辭辛巳雨宣賜酒果丙戌謝雨社稷壇

十月癸丑會慶節人驛押伴金國人使宴

十一月庚寅冬至祀昊天上帝初獻官

淳熙十一年甲辰 公年五十九

正月己亥入驛押宴

六月庚申文德殿宣麻除樞密使御藥鄧從訓宣押赴院治

事有旨立班恩數並依宰臣辛酉御藥謝安道宣押赴新班

壬戌鄧從訓賜不允批答癸亥門司劉光祖賜不允斷章批

答己巳殿門受告仍加食邑一千戶

制詞門下斗極之臨四海中經天緯之熙神樞之幹萬兵右躡政途之峻眷我爽邦之哲率時基命之嚴暨闡建於賢猷盍登昭於使範飭宣丕號告錫治廷通奉大夫知樞密院事榮陽郡開國公食邑二千六百戶食實封六百戶周必大端亮而粹夷篤誠而宏裕問學貫九流之邃文章

追三代之醇早會休辰寢敷美業洪鍾發簾隱然天地之和華玉昭庭允矣邦家之寶雅積經綸之望進毘密勿之謨管攝羣微治克先於上策輯柔四外勢端在於本朝閱歲方深運籌滋劭朕大明陟典申簡茂庸趣升位次之崇增畀事權之重提綱斯在肅大武於本兵衍渥維新極隆名於宥府侈茲多邑益以真奮載示殊褒式昭良績於戲德有常而立武要資政事之修機不密則害成當謹謀猷之告往究規恢之蘊訖臻勵翼之助繫若元臣詎煩深詔可特授樞密使依前通奉大夫加食邑一千戶食實封四百戶封如故主者施行 李燾行

十月甲子宣宰執聽講未濟卦終篇

十一月丙戌朔賜御筵道山堂御藥吳回傳旨賜鞍馬笏帶

香茶

淳熙十二年乙巳 公年六十

正月辛卯上辛祀昊天上帝初獻官

二月丁卯未時清華閣再奏事曲宴酒五行戊辰內侍鄭大亨批日子賜出格茶龍團勝雪潘衡墨

六月庚辰入奏依慶厯二年故事命宰相兼樞密使辛巳御批續聽處分

十一月辛丑郊祀大禮充儀仗使

十二月庚戌朔大慶殿發太上皇帝壽聖皇后加上尊號冊

寶權中書令前導赴德壽宮奉冊讀冊行事先是又充書冊

文官

淳熙十三年丙午 公年六十一

正月癸巳受南郊加食邑一千戶告

制詞門下執嘉牲而見帝禮莫盛於精禋奉明

德以祈天任聿崇於顯相朕欽承鴻祐順攷彌文嚴郊報以備成沛恩休而鴻洽粵我本兵之寄膺時進律之褒渙有寵章格於公聽通奉大夫樞密使榮陽郡開國公食邑三千六百戶食實封一千戶周必大材宏濟物道重覺民以真儒無敵之資運籌乎帷幄以賢人可大之業典職乎樞機風化豈宣而持之以寬洪智畧輻輳而本之以醇正得守文之體於有要明防患之端於未形朝廷賴以尊安方內聞而悅穆協氣宣臻於穹壤彝儀秩舉於家邦當一陽肇旅於黃鐘適三歲親祠於紫時明禮備樂集風馬以來欽授威盛容煥雲龍而在列使端攸建祀事惟寅儼前導以肅雖迄告成而顯密宜疇懿績用錫慶條俾衍拓於戶租示亟蒙於祭福於戲懋馨香之治既丕享於神明嚴宥密之基益究勤於夙夜尚祗美况共濟洪圖可特授依前通奉大夫樞密使榮陽郡開國公加食邑一千戶食實封四百戶主者施行 李獻行

二月德壽慶典轉正議大夫加食邑一千戶

制詞門下皇天眷命以為君懋

事親之要道聖人大德而得壽申冠古之鴻名朕履緒明昌膺圖宏遠肆崇昭於丕冊庸茂衍於多祺乃眷本兵之賢有嘉秉筆之懿爰疏渙渥敷諭治廷通奉大夫樞密使榮陽郡開國公食邑四千六百戶食實封一千四百戶周必大明允

惠和端醇簡亮學傳道統孟荀羽翼於六經言協忠規益稷股肱於庶事自服贊襄之任久資康濟之才紆畧術於前籌積功庸於右府使儀增重儒效孔昭大臣之慮四方洞幾微於未兆司馬之掌九法消奸疏於無形和氣交孚縉儀備舉會慈宸之介社勒寶牒以揚輝彌文增琬琰之書盛事載篇圖之載庭闈疊慶自天永錫於萬年惟嵬酬勛與相貴同於一等方頒曠澤再節豐章以德懋官升峻班朝之秩因田制賦陪荒奠食之封併示殊榮式存茂獎於戲養莫大於天下聿開備順之符樞始得其環中共廣愛欽之化誕惟勵翼服此顯褒可特授正議大夫依前樞密使滎陽郡開國公加食邑一千戶食實封四百戶主者施行 李獻行

四月癸亥孟夏祀上帝初獻官丙子宣召宰執聽讀陸贄奏議終篇

五月癸未赴秘書省御筵

九月丙寅入奏乞外祠從過仙林寺御藥關禮宣押赴院降

詔不允丁卯御藥張安中宣押赴朝奏事再納劄子申前請張安中復宣押赴院有旨通進司都門臨安府本府依時上馬不許搬移再降詔不許再請

十二月戊寅赴喜雪御筵於中書省

淳熙十四年丁未 公年六十二

二月丁亥文德殿宣麻轉光祿大夫右丞相加食邑一千戶食實封四百戶御藥劉興祖宣押赴都堂治事庚寅門司鄭大亨賜不允批答癸巳御藥劉興祖賜不允斷來章批答甲午五更御藥黃邁宣押赴朝立新班提舉國史院提舉編修國朝會要提舉勅令己亥殿門受告制詞門下分政柄於東西久重樞庭之任資廟

謨於左右並崇宰路之瞻乃眷鴻儒實嚴宥命越自本兵之
長進登次相之尊爰告昕朝式敷坦制正議大夫樞密使榮
陽郡開國公食邑五千六百戶食實封一千八百戶周必大
行醇而守正識茂而慮周經綸包萬變之微綜彙洞羣言之
與修身有道審觀君子之樞機正色立朝稔著賢人之德業
運帷籌於密勿增國體於安強天下之務惟幾深究英謀之
秘儒者之效已試浸更華歲之多茲疇弼直之良務簡忠勞
之最熙帝之載禮特厚於奮庸代天之工職敢輕於理物匪
資碩望孰懋宏猷儀圖爾能夾輔予治乾台彪列象益炳於
六符廟鉉燮和勢更隆於九鼎峻陟文階之秩申開采邑之
封稽於僉諧萃此徽渥於戲唐虞建官之制莫先百揆之司
周召作輔之勳實出羣賢之表予欲上參於盛際汝其遠紹
於前修陰陽調則庶類遂其宜刑政清則蒸民樂其業內俾
紀綱之大振外臻疆宇之永寧咸思翊贊之方庸體倚毘之
意尙恢績用奚俟訓詞可特授光祿大夫右丞相依前榮陽
郡開國公加食邑一千戶食實封四百戶主者施行 李獻
行

三月甲寅遷居右相府

五月戊申夏至祀皇地祇甲寅臣僚論王謙以嘗論薦待罪
降詔不允

六月丁酉禱雨皇地祇辛卯以旱災乞罷政往浙江亭宣押
者四降詔不允者再

七月壬子禱雨圜丘克亞獻官是日具奏乞免生日牲餼又
同王丞相黃參政乞減俸御筆並依所乞丁卯雨

八月壬申奏謝皇地祇辛卯御筆宰執復舊俸

十月癸酉太上皇帝服藥祈禱皇地祇是月撰高宗謚冊文

淳熙十五年戊申 公年六十三

三月癸卯從憲節皇后謚冊寶入太廟奉冊授寶行事乙巳

從高宗謚冊寶入德壽宮奉冊授寶行事甲寅高宗梓宮進發攝太傅持節前導靈駕及奠謚寶監掖攢宮

四月辛未回達江下內侍梁彬傳宣撫問賜銀合茶藥甲戌延和奏事己丑明堂御劄降奏告皇地祇

五月丁巳差提舉編修玉牒再具奏乞改差畱正權御筆批依

九月己亥明堂大禮朝獻景靈宮初獻官辛丑大享明堂充大禮使辛酉正謝進封濟國公加食邑一千戶食實封四百

戶詞詞門下明堂布政之宮飭親承於神祀大臣事君以道咨咸享於天心眷言顯相之賢屬舉宗祈之禮繫首崇於使範爰踵錫於靈釐丕號播修羣工典聽光祿大夫右丞相榮陽郡開國公食邑六千六百戶食實封二千二百戶周必

大高明而博達端亮而醇深以儒者之宗苞古今而會極負天下之重茂夙夜以奮庸方端鈞軸之司采峻階符之望朝論僉穆政體日新由心德之交孚措邦家之底又粵此季秋之饗冠於列辟之趨靈瑣揭虔肅分於嘉薦總期昭報祇協於精禋辨章成秩於彌文勵翼具敷於碩畫肆茲拜貺迄用告成方歆至治之馨香宜溥湛恩之汪濊顧惟宅揆可後疏榮稽疇公社之華進啓國封之渥衍荒圭食陪實井腴以飽大猷以蕃徽數於戲恭默而賚予弼敢忘尊帝之誠緝熙而單厥心庸倚佐王之效尚欽斯訓益績乃勳可特授依前光祿大夫右丞相進封濟國公加食邑一千戶食實封四百戶主者施行

李嶽行

十月甲戌乙亥恭謝景靈宮丙子恭謝太一宮及本命殿璿

璣觀

十一月乙未公畱身乞罷政上宣諭傳位太子之意朕方以此委卿不須畱劄子

淳熙十六年己酉 公年六十四

正月己亥文德殿宣麻轉特進左丞相進封許國公加食邑

一千戶食實封四百戶壬寅御藥關禮宣押綴新班是日以

制詞不自安乞祠徑過靈芝寺關禮宣押赴堂復出靈芝寺

癸卯御藥鄭邦憲宣押赴國忌行香出北關泊仁和館御藥

張安仁宣押歸私第丙午後殿奏事退乞免從駕御藥黃邁

就殿門傳旨上馬相繼行馬從駕回宣押至私第丁未李燾

知宣國府戊申黃邁就堂賜批答不允己酉門司李彥正賜

斷章批答己未正謝制詞門下帝咨百揆以亮工蓋取眾賢

朕精述洪猷儀圖俊德瞻彌諸於政路俾登冠於台司誕有明縉格於公聽光祿大夫右丞相濟國公食邑七千六百戶

食實封二千六百戶周必大道推先覺行迪大儒稟直方之
氣而濟以疏通之才廓高遠之識而輔以醇正之學瞭若著
龜之兆理灼見於古今確然金石之姿節靡渝於夙夜踐更
二府酬酢萬幾自進秉於國鈞乃備宣於賢韞謀謨乎上足
以康庶事表勵乎下足以正羣工陰陽理而物遂其宜社稷
安而國蒙其利比由端任期以首台望采峻於中朝位已崇
於上相紫綬金印之寵卽廊肆以不移黃耳玉鉉之輝與泰
符而增煥褒敷斯至倚屬匪輕政已治則尤務於調和勢已
安則當思於振飭肆華資之超進仍名社之序升衍拓爰租
申陪真食併從令典式備優恩於戲仲虺為左相於湯實懋
日新之德高平觀故事於漢益明時措之宜化惟久可以有
成志惟堅可以有立使茂業克安於萬世則令名無愧於前
人勉迪訓言欽承眷意可特授特進左丞相進封許國
公加食邑一千戶食實封四百戶主者施行 李燾行 是日
內批兼提舉玉牒監脩日麻

二月壬戌光宗受禪登寶位

三月辛卯文德殿宣麻轉少保進封益國公加食邑一千戶

食實封四百戶

制詞門下朕祇奉慈謀欽承丕緒任大守重

予上宰為國宗臣既久翼於熙朝茲首禪於初政宜邀異渥以答殊勳爰輯庭紳誕揚詔綍特進左丞相許國公食邑八千六百戶食實封三千戶周必大忱恂而博達端亮而粹夷經濟之才足以開物而成務淵源之學始於誠意而正心項自機庭晉登揆路修明百度雖小物而克勤酬酢萬微遇大事而能斷民瞻益聳國勢愈強仰惟壽皇將舉內禪厥既傳之以道又復遺之以賢乃升冠於冢司俾輔成於聖計屬茲繼體方慶澤之廣覃其於褒功詎徽章之可後肆升華於亞保庸增重於元台併開大國之封申衍爰田之食式昭瞻遇采厚倚毘於戲聖賢相逢治畢張夙已彰於成效后臣克艱政乃又今方竚於嘉猷益究乃心奚俟多訓可特授少保依前左丞相進封益國公加食邑一千戶食實封四百戶仍令所司擇日備禮冊命公五具辭免皆降詔不允辛丑乞序位主者施行 倪思行

在嘉王之下御批不允

四月丙寅皇帝親饗大廟充禮儀使

五月乙未公乞解機政降詔不允宣押如儀丙申入第二第

三第四奏是日諫議大夫上殿丁酉除觀文殿大學士判潭

州制詞門下三孤洪化允資弼亮之謨十國為連更賴蕃宣

之畧任雖殊於內外寵不異於始終爰即所延誕敷丕號

少保左丞相益國公食邑九千六百戶食實封三千四百戶

周必大量宏而識遠德鉅而才全文高黼黻之華學富經綸

之妙忠勤體國致效而無不為通敏濟時綽綽乎有餘裕條

天下之重望結慈辰之深知預大政而秉洪樞迭司二柄由

次相而登上宰光輔兩朝舜傳有助於詒謀益贊克禔於繼

治肆升亞保增峻元台股肱良而庶事康方觀成效紀綱張

而眾目舉甫立宏規俄遽露於需章願亟還於相印諭旨下

宣而莫奪陳情堅確而弗移既雅志之重違在茂恩而宜厚

是用付以長沙之巨屏俾作牧於上游寵以書殿之大名仍

通班於左棘罔替眷懷之渥式昭體貌之優進退有光觀瞻

咸聳於戲作舟楫汝用惜不為於朕畱毋金玉爾音尚樂殫

於我告勉祇明訓益懋外庸可特授觀文殿大學士依前少

保判潭州軍州事兼管內勸農營田使充荆湖南路安撫使

馬步軍都總管益國公食邑實封如故主者施行 倪思行

壽皇御筆賜金器香茶戊戌再上辭免仍乞以元官奉祠殿

中侍御史乞因辭勉從所請是日除醴泉觀使戊申次宜興

七月乙亥沂江

九月戊辰至吉

紹熙元年庚戌 公年六十五

三月二十日孫顯生

十月戊申除判隆興府

制詞勅潛藩督府夙推地望之雄舊弼名臣不替瞻懷之厚屬茲謀帥宜

謂得賢爰錫褒緡式昭茂渥少保充醴泉觀使益國公食邑九千六百戶食實封三千四百戶周必大身端而行備學富而才華材無施而不宜言所底而可績光輔兩朝之治具著忠忱獨高三事之班允膺休寵自祠庭之均逸亦歲籥之已更眷言江湖之都上應翼軫之次與我共理實藉於循良視邦選侯莫如於名德是用起之閑適任以蕃宣孤茲所臨俾

方維之增重鄉粉是統在畫繡以尤榮既素稔於民情宜易施於善政噫召伯之教明於南國有遺愛之不忘章丹之功被於八州尚良規之可考勉祗明命無愧昔人可依前少保特授判隆興軍府事兼管內勸農營田使充江南西路安撫使馬步軍都總管封食實封如故 倪思行 公入奏再辭免降詔宜不允

紹熙二年辛亥 公年六十六

八月壬午除觀文殿學士判潭州

制詞勅書殿通班無若延

帥之崇眷言寅亮之賢久遂燕閑之適肆申前命用起舊人少保充醴泉觀使益國公食邑九千六百戶食實封三千四百戶周必大經綸全才羽翼宿望光輔重華之治進位冢司親逢一道之傳弼予初政乃刻章而有請祈上印以歸休寵以學士之隆名昇以長沙之重鎮旋易祥源之使領海閣歲華近剖豫章之守符屢勤諭旨莫移素守姑遂雅懷朕惟均勞逸者雖人主之恩分憂顧者實大臣之誼是用再頒初詔俾殿上游噫周公分東陝之權益使侯方之重召伯明南國之教坐觀民俗之醇尚體眷懷亟祗褒渥可依前少保特授觀文殿學士判潭州軍州事兼管內勸農營田使充荆湖南

路安撫使馬步軍都總管 封食實封如故 倪思行三辭免降詔不允

十一月己巳至潭郊恩加食邑一千戶食實封四百戶制詞門下

周祀昊天頌播肇禮之美漢祠雍時史嚴初見之書朕踐祚以來卜郊云始考丕彝而尋舊煥緝典以維新眷言寅亮之賢實任藩宣之寄宜放褒紳用錫神釐少保觀文殿學士判潭州軍州事兼管內勸農營田使克荆湖南路安撫使馬步軍都總管益國公食邑九千六百戶食實封三千四百戶周必大端肅而惠和忱恂而宏達貳公洪化首毗初政之成十國為連載倚上游之重甫開藩而作牧阻相祀之趨班輸貢篚以在庭入包茅而共祭迨茲竣事可後疏恩爰增采邑之封采聳幹方之望於戲姬公之分東陝莫陪入裸之儀賈傅之在長沙孰對受釐之問肆因均福尤切注懷尚體眷私益殫忠盡可依前少保觀文殿學士判潭州軍州事兼管內勸農營田使克荆湖南路安撫使馬步軍都總管益國公加食邑一千戶食實封四百戶主者施行 倪思行

紹熙三年壬子 公年六十七

六月甲子受復觀文殿大學士告制詞門下朕序進臣工率循彝憲惟延恩之峻職在

書殿以最高惟學士之大名非舊弼而莫昇眷予亞保作牧上游爰播明縉游頌前命少保觀文殿學士判潭州軍州事兼管內勸農營田使克荆湖南路安撫使馬步軍都總管益國公食邑一萬六百戶食實封三千八百戶周必大道隆致主德盛格天顛魁柄於兩朝用密藏於輔贊典方維於千國績藹著於蕃宣聲實愈孚眷懷采厚朕若稽皇祐加獎昌朝始初紫宸之穹班用極鴻儒之殊寵矧如宿望有邁昔賢故於上印之時嘗煥出綸之渥茲申初詔殆踰華袞之榮式茂新恩盡復青氈之舊以示至公之道以昭馭貴之權不聳民瞻增雄帥闔於戲賢者素輕乎富貴夫豈計得失之間朝廷莫重於器名蓋將寓黜陟之典往祗猷訓益懋勳庸可依前少保特復觀文殿大學士判潭州軍州事兼管內勸農營田使克荆湖南路安撫使馬步軍都總管益國公再入奏辭免公食邑食實封如故主者施行 倪思行

降詔不允不得再有陳請

七月庚申坐舉監文思院常良孫降滎陽郡公制詞門下國家設薦舉之

科所以廣求才之路嚴保任之法所以懲失實之愆欲昭示於至公爰必行於近列眷時舊弼允謂宗臣偶累知人之明可逃緇爵之罰肆敷訓告用協彝章少保觀文殿大學士判潭州軍州事兼管內勸農營田使克荆湖南路安撫使馬步軍都總管益國公食邑一萬六千八百戶食實封三千八百戶周必大德茂恢洪道存忠恕班莫高於九棘寄方重於十連以人事君夙著秉鈞之日舉賢報國晚堅推轂之誠屬一時管庫之卑乃再世臺臣之後徒知名聞之是取弗悟偽言之見欺既貪墨之有聞尋察覺而奚及雖非深咎難廢薄懲稍鑄公社之封仍厚邑租之入庶申儆戒靡替眷懷於戲過可知仁已初心之曲諒復斯無悔尙後効之勉圖其體隆寬以綏吉履可依前少保觀文殿大學士判潭州軍州事兼管內勸農營田使克荆湖南路安撫使馬步軍都總管降榮陽郡開國公食邑食實封如故主者施行 倪思行

紹熙四年癸丑 公年六十八

八月丙辰受復益國公告

制詞門下行法由近而始厥既示天下以公知人自昔所難要當諒君子之過矧已臻於滿歲宜俾復於舊封誕布明綬式孚羣聽少保觀文殿大學士判潭州軍州事兼管內勸農營田使

克荆湖南路安撫使馬步軍都總管降榮陽郡開國公食邑一萬六千八百戶食實封三千八百戶周必大德全而才鉅識遠而量宏勳在兩朝望尤高於左棘政成九牧詠咸美於甘棠頃景慕於前脩肆矜錄其後裔遂乖保任有昧賢愚繆舉必懲罰雖加於緇爵閱時云久恩可後於滌瑕爰按邦彝敘還公社以謹馭臣之典以彰補過之休於戲胙土分茅茲全歸於賜履推賢報國其勿替於初心茂對龍光益殫忠藎可依前少保觀文殿大學士判潭州軍州事兼管內勸農營田使克荆湖南路安撫使馬步軍都總管特敘復益國公食邑食實封如故主者施行 倪思行

十月己酉改判隆興府癸丑辭廟甲寅交印乙卯出城

紹熙五年甲寅 公年六十九

正月庚午至吉戊寅判隆興府告至

制詞勅詔起東山已報長沙之政符分南服尙提新府之封乃睠元台載揚明訓少保觀文殿大學士判潭州軍州事兼管內勸農營田使克荆湖南路安撫使馬步軍都總管益國公食邑一萬六千八百戶食實封三千八百戶周必大閱深而肅括堅正而裕和極論思獻納之工盡輔贊彌縫

之用始終一節光顯三朝進退百官聚英才而在列總領眾
職任大事以攸宜方安葉館之間往鎮藩方之遠眷懷不替
委寄則均政化流傳有顯上公之分陝威名孚浚共期大老
之歸周惟此南昌尤為要地爰命三孤之重式遄十乘之行
矧爾寓居之鄉實今賜履之下既喜袞衣之寢近抑知畫纈
之有光先聲所臨羣聽自聳噫令行庭戶當還帶牛佩犢之
風福及京師更致自葉流根之效來綏四國式憲萬邦可依
前少保觀文殿大學士特授判隆興軍府事兼管內勸農營
田使充荆湖南路安撫使馬步軍
都總管封食實封如故樓鑰行
丁亥拜辭免不允詔入第
二奏

二月丁巳受醴泉觀使勅

五月甲子今上卽位準詔言事

八月甲寅宣麻轉少傅加食邑一千戶食實封四百戶

制詞門下

朕祇膺駿命寅紹丕圖舊弼偃藩甫遂內禡之佚需恩進律
是升亞傅之崇乃輯羣工用敷煥號少保觀文殿大學士充

醴泉觀使益國公食邑一萬六百戶食實封三千八百戶周
必大道隆而德備實茂而聲闕自有書契以來悉能該綜首
以詞章之選入踐清華西掖北門周旋累歲高文大冊震耀
四方遠參柄於事樞尋進專於國柄謀謨經遠任社稷以不
疑精神折衝撫華夷而成肅久辭相印起殿師垣退為綠野
之游自適東山之志眷冲人之嗣服方歌求助之詩想元老
以與懷嘗下乞言之詔茲頒異數就陟孤卿夏篆通膺班寢
高於左棘衮衣赤舄禮增煥於三槐仍衍故封併增真食於
戲嘆股肱之美庸加貳公洪化之名進藥石之規式究致君
澤民之蘊尚孚明命母有遐心可特授少傅依前觀文殿大
學士充醴泉觀使益國公加食邑一千戶食實封四
百戶令所司擇日備禮冊命主者施行樓鑰行
公入奏
及上表辭免皆降詔不允

十月甲子上遣閣門簿書武功大夫趙嗣祖承受成忠郎王

松賜少傅告再上表辭免降詔不允四入奏乞回授有旨依

所乞九月明堂加食邑一千戶食實封四百戶

制詞門下朕嗣守邦圖肇

脩宗祀父天母地祭既重於合祛尊祖敬宗禮尤嚴於並侑予一人越紳以行事爾多士奉璋而侍祠爰眷辭以與思顧慶條之可後誕敷渙號敷告听庭少傳觀文殿次學士充禮泉觀使益國公食邑一萬一千六百戶食實封四千二百戶周必大簡重而閎深直方而膚敏典誥上規於姚姒詞章遠軋於漢周弼亮兩朝未究經綸之蘊鎮安四海有懷康濟之功偃藩南國之雄均逸東山之勝比以霈恩之渥升之亞傅之崇注想不忘乞言方切屬伸大報爰啟合宮載謀載惟聖父嘗頒於先甲我將我享季秋乃卜於仲辛熙事既成蕃釐來介申衍多田之賦仍加真食之封於戲明室王者之堂方荷神休之答二老天下之老宜先祭澤之慈尚迪遠猷永綏殊寵可依前少傳觀文殿大學士充醴泉觀使益國公加食邑一千戶食實封四百戶主者施行樓鑰行

十一月辛亥公遷新第益貢院舊基公嘗預薦於此乃名堂曰克賦東偏闢園數畝地勢坦夷名之曰平自號平園老叟

慶元元年乙卯 公年七十

正月丁亥朔三上表乞引年致仕

七月庚寅宣麻轉少傅致仕加食邑一千戶食實封四百戶

制詞門下援禮經而告老大臣所以循止足之規稽邦典以以恩人主所以茂褒崇之渥朕眷懷耆舊渴想高風揚於大庭竦乃羣聽少保觀文殿大學士充醴泉觀使益國公食邑一萬一千六百戶食實封四千二百戶周必大才宏而識遠行峻而氣和其學以致知為先其文以明道為本有一德若伊尹任重保衡亮四世如畢公望隆壽俊身雖繫於軒冕心常樂乎仰樊頊辭洪井之麾復領祥源之使年齡甫及筋力未衰而乃疊貢封章懇還官政朕惟賜几而不得謝蓋具著於前彝垂車以保其榮殆難從於雅志勉勉優賢之旨莫回勇退之所念重達於悃誠宜優加於體貌是用陞班孤傳載申成命之休增賦爰田仍衍真租之食以示寵光之備以昭名節之全孰不嘆息於賢哉足以興起乎聞者於戲進夫棘位益資洪化之謨迎以蒲輪尙有仁言之禮惟深於道者無殆辱之累惟忠於國者可仕止之殊往綬壽祉之多勿替謀猷之告可特授少傅依前觀文殿大學士益國公致仕加食邑一千戶食實封四百戶令所司擇日備禮冊命主者施行

思行

慶元二年丙辰 公年七十一

慶元三年丁巳 公年七十二

三月戊子綸倅臨川公作十以箴送行

十一月郊恩加食邑一千戶食實封四百戶

制詞門下清廟茅屋正入裸以

展容甘泉竹宮臣臨壇而拜賦維皇家之懿矩後舊弼之陪班駿奔而執豆籩唯飭司存之典鴻飛而歸袞繡庶咨尊老之詢雖隔儀刑特優慶澤少傅觀文殿大學士致仕益國公食邑一萬二千六百戶食實封四千六百戶周必大中和而簡亮精密而闕深究司氏之異同亦歸於道六藝之芳潤以昌其文積粹望於四朝紀茂庸於兩枋既明且哲早遂潔身俾壽而臧久安介福屬戴初郊之志聿嚴並侑之恭冬授策於泰元迄展奉瑄之禮夜受釐於宣迺凝前席之思節增衍於豐腴亶褒榮於冲逸不遐有佐遂觀厥成嗚呼熙漢時雍神休會阻侍祠之列保魯邦錫公暇尚懷夾輔之規祇

繹隆恩永綏令社可依前少傅觀文殿大學士致仕益國公加食邑一千戶食實封四百戶主者施行 傅伯壽行

慶元四年戊午 公年七十三

慶元五年己未 公年七十四

慶元六年庚申 公年七十五

九月明堂加食邑一千戶食實封四百戶

制詞門下朕因時而興禮練日以交

神尊收御辰適萬寶西成之際房宿占象飭九筵南鄉之儀孝奏天地之臨靈承祖宗之侑竣事方頒為祭饒疏恩豈後於耆英錫以明緡告於列位少傅觀文殿大學士致仕益國公食邑一萬三千六百戶食實封五千戶周必大器資偉亮業履清醇閔中肆外之支本於殫洽經體贊元之用懋乃彌諸夙躋位棘之班久遂垂車之佚鄉黨欽其德行神明相之壽祺屬稽三歲之經載肅四阿之宇禮崇越紼祀不敢以廢尊昨有均釐惠靡忘於及下因念先朝之宿望屢陪大典之休成以溫室之詞代宣於祭澤以烈文之輔助格於靈心今雖適於里居顧可稽於邦賚申陪多井之賦併衍真畚之封

以廣祐休以昭敬異於戲罔不恤祀是為商家之隆未有遺
年亦繇虞氏而始朕欲兼全於斯義時庸加獎於舊臣祇服
徽章益綏純嘏可依前少傅觀文殿大學士益國公加
食邑一千戶食實封四百戶主者施行 陳宗召行

嘉泰元年辛酉 公年七十六

二月監察御史覺察呂祖泰上書及公姓名特降少保

臣從故里之安務曲全於優禮王者審治朝之聽曾可廢於
公言肆予纂紹於丕圖稽古率循於茲道有眾弗協固難獨
私少傅觀文殿大學士益國公致仕食邑一萬四千六百戶
食實封五千四百戶周必大身受國恩名推時望文章議論
早膺烈祖之選掄典禮時幾尤重慈皇之注倚歲月推移於
三紀風雲感會於千齡翁九德以敷施宜分同異襄二人而
有合罔間初終庶全天下之為公不愧先民之時若乃拂協
和之義浸罹奮眈之偏馴致狂生扇成偽習視羣才之進退
分私黨之盛衰沿類相從殆水流而火就暢萌以泯幾陰長
而陽消慨流弊之及今謂造端之自汝尤指元台之重欲逆
退傳之歸自為明哲之保身則異於是其有匪春秋之責備不
在茲乎駭異論之沸騰溢臺評之枚數獨念辭榮之久罔應

用罰之寬姑抑穹班庸儆有位棄人間事而學輕舉知久忘
寵辱之驚引里俗識而志窮愁諒一洗愛憎之累倘休晚未
無負隆寬可特降授少保依前觀文殿大學士
益國公致仕食邑食實封如故 邛文炳行

嘉泰二年壬戌 公年七十七

四月庚子綸赴贛俸公有詩送行

十二月內批復元官

嘉泰三年癸亥 公年七十八

正月丙子受復少傅告 制詞門下混同天下而一之中宣示

馭貴之恩眷言綠野之英偶麗丹書之籍復孤卿而跡舊渙
寵數以維新播告大廷誕敷明命降授少保觀文殿大學士
益國公致仕一萬四千六百戶食實封五千四百戶周必大
閱深而簡重溫裕而剛方博物洽聞貫百家九流之與高文
大冊追三代兩漢之醇思陵愛其有制誥之才孝廟識其真
宰輔之器贊虞舜垂裳之制久嚙於明謨泊神禹若帝之初

力裨於新政庶官無曠百職惟熙懇辭機務之繁旋俾保釐
之重衣錦動故鄉之喜建旌陞亞傅之崇進退可觀始終罔
間時事靡聞於掛口家居惟樂於著書駭匹夫狂悖之上聞
乃片言註誤之併及既有疑於三至始薄說於一階朕方建
皇極而融會於黨偏尊重闡而濡浹於慶施申念先朝之遺
老僅同下國之靈光宜屈彝章以全晚節厲外親之詣闕在
更生初豈與知取宮保以居間矧彥博已嘗得謝爰侈便蕃
之渥盡還寅亮之聯仍方社之奮封示安之偉觀於戲福
威惟辟朕庶幾借命借復之公明哲保身固無三仕三已
之累益綏壽履祗服恩私可特復少傅依前觀文殿大學士
益國公致仕食邑一萬四千六百戶食
實封五千四百戶主者施行 顏棫行

五月壬子綸被審察之命

十月綸除大理司直壬子益國夫人王氏薨

十一月郊祀加食邑一千戶食實封四百戶

制詞門下朕參酌彌文恭承明祀王入大室首嚴禋祀之儀帝臨中壇載舉燔熏之禮荷靈游之來需宜國胙之均頒乃睠舊人宜謂耆德爰孚渙號臨

告明廷少傅觀文殿大學士致仕益國公食邑一萬四千六百戶食實封五千四百戶周必大器量宏深才猷通敏有覺德行夙並駕於淵騫發為文章蓋上規於姚姒早被聖人之瞻浸膺廊廟之求翊贊兩朝密勿敷陳之際始終一節雍容進退之間蹇蹇王臣皤皤國老遂間館珍臺之適乘安車駟馬之榮千里封公啟梁州之沃壤三孤命秩交殿之隆名竊觀日至之圭虔奉雲陽之玉神光交燭是降福之多祭澤旁流可後加田之寵茲為異數允屬宗工於嘉奉郊廟之精禋雖莫陪於顯相緒旂常之成績亦何啻於嘉其服懋思益堅晚節可依前少保觀文殿大學士致仕益國公加食邑一千戶食實封四百戶主者施行 莫予純行

嘉泰四年甲子 公年七十九

三月甲子葬益國夫人於廬陵縣儒林鄉斗岡之原公為誌

銘

十月旦公薨於正寢享年七十九遺奏聞上輟朝兩日贈太

師賻銀絹一千疋兩

制詞勅朕遵先王之法言念今日祖風之未遠感故國之喬木嘆當時朝士之

無多賸言調鼎之英久遂掛冠之適忽遺言之來論詎慙冊

之可稽故少傳觀文殿大學士致仕益國公食邑一萬五千

六百戶實食封五千八百戶周必大知周萬學鏡千古以

文華國豈惟莊騷太史之工以道事君屢展契臯陶之畫

初振詞臣之譽旋疇真宰之庸既純日於國章尤精通於世

務亮眾采於台極烈祖恃為股肱捧文明於天衢聖父資其

羽翼項以棘班之峻往分帥闡之權雖餞於郟首有以冊申

伯之勳然浴乎沂者無以奪會點之志遂致大夫之事聿觀

晚節之香爵列三孤寄傲每存於林壑年幾八表研精弗倦

於簡編云胡一鑑之亡莫起兩楹之夢錫之密印繼以袞衣

於戲我成文王之功靡忘繩武爾尚式周公之訓宜俾為

師賁於窳封服我光命可特贈太師餘如故

事見郡縣志及承思堂記

李大異行

開禧三年丁卯

二月辛酉賜諡文忠

諡議見附錄

嘉定元年戊辰

十一月內侍張延壽傳旨宣賜御書忠文耆德之碑六字并

詔詞臣撰書碑銘

文載附錄

年譜終

加後同文小全

三

<p>四</p>	<p>五</p>	<p>六</p>	<p>七</p>	<p>八</p>	<p>九</p>	<p>十</p>	<p>十一</p>	<p>十二</p>	<p>十三</p>
----------	----------	----------	----------	----------	----------	----------	-----------	-----------	-----------



